



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Deß H. hoherleuchten Vatters Basilij Magni,
Ertzbischoffen zu Cæserea in Cappadocia**

Basilius <Caesariensis>

Jngolstatt, 1591

VD16 B 647

Die 160. Frag. Mit was Affect vnd Begird sollen wir den Brüdern dienen?

urn:nbn:de:hbz:466:1-38656

bekannt/ vnd gibt demjenigen nicht Glauben/ der gesagt hat: Wer liebt/ der züch-
rige auch fleissig. Item/ Er thut sich von der Fruchtbarkeit dessen absondern/ der als
so gesprochen: Der Gerechte/ wirt mich in Barmhertzigkeit straffen vnd züchtigen.
Ferner so wohnet auch ein solcher mit grossem Schade vnd Tachtheyl in der Bru-
derschafft/ seytemal er andere/ so in sorgfältiger Forcht Kämpffen vnd streiten/ von
gottseliger Übung abzuhalten pflegt.

Proverb. 13.
Wer die straff
nicht geduldig
auffnimbt/ ist
kein rechter
Christ.
Psal. 120.

Die 160. Frag. Mit was Affect vnd Begird sollen wir den Brü-
dern dienen?

Antwort. Nit anderst/ dann als ob wir dem Herrn selbst dienen/ der also
gesagt: Was ihr einem/ auß disen meinen geringsten Brüdern bewisen/ das habt ihr
mir gethan: Damit aber diser Dienst rechte vollbracht werde/ so gebürt sich/ daß die
jenigen/ so desselben genießen/ in allweg rechte Brüder seyn: Demnach sollen die
bersten desto mehr Achtung darauff geben/ damit sie nit als Liebhaber des Leibs/
dem Bauch/ vnd der Wollustbarkeit dienē/ sonder als Liebhaber Gottes vnd Chris-
ti/ durch die vollkommne Geduld/ wie der H. Job. dem Sathan zu Schmach vnd
Schand/ für des Herrn Ruhm vnd Preys gehalten werden.

Matth. 25.
Dienst der
Brüder.

Die 161. Frag. Mit was Demut soll jemand von seinem Bru-
der einen Dienst an vnd auffnehmen?

Antwort. Gleich wie ein Knecht von seinem Herrn die Dienbarkeit anzu-
nehmen pflegt/ vnd wie sich Petrus von dem Herrn Christo/ als er ihm dienet/ er-
zeigen thät/ auß welchem Exempel wir auch die Gefahr/ derjenigen/ die ihnen nit
wollen dienen lassen/ zuerkennen haben.

Wie die Brä-
der einander
dienen sollen.
Johan. 13.

Die 162. Frag. Welcher Massen sollen wir vns vnder einander lieben?

Antwort. Wir der Lieb/ so vns d. Herr bewisen vñ gelernet hat/ da er spricht:
Liebet euch vndereinander/ gleich wie ich euch geliebet hab: Größere Lieb hat nie-
mand/ dann so er sein Leben für seine Freund darstreckt: Wann vns nun das Leben
vnd die Seel darzustrecken gebürt/ wie vil mehr wirt es vonnöten seyn/ daß wir
einander gutwillig dienen/ nicht allein menschlicher Weiß/ sondern nach dem Wohl-
gefallen Gottes/ wie es einem jedwedern gut vnd nützlich ist.

Johan. 15.
Wie die vollen
Kostne Christi-
che Lieb soll ge-
staltet seyn.

Die 163. Frag. Wie kan oder mag jemand der Liebe gegen dem
Nächsten theylhaftig werden?

Antwort. Erstlich/ wann einer das Gericht vnd Urtheyl fürchtet/ so vber die
jenigen ergeht/ welche das Gebott des Herrn verachten/ der also gesprochen: Wer
dem Sohn nit glaubt/ der wirt das Leben nit sehē/ sonder der Zorn Gottes bleibe
ob ihm. Nachmaln/ wann er das ewig Leben mit Ernst sucht/ dann sein Gebott ist
das ewig Leben: Das erst vnd groß Gebott aber ist dises: Lieb den Herrn deinen
Gott/ auß ganzem deinem Herzen/ auß ganzem deinem Gemüt/ vnd auß allen
deinen Kräfften: Vnd das ander ist dem gleich: Lieb deinen Nächsten als dich selb-
ber. Item/ wann der Mensch in die Fußstapffen des Herrn zutretet/ begeret/ der also
gesagt: Ein new Gebott gib ich euch/ daß ihr euch vnder einander liebet/ gleich wie
ich euch geliebet hab. Ferner/ wann einer bey jm selber also gedenckt. Dat diser oder
jener Bruder vns guts gethan/ so seyn wir jm auch die menschliche oder natürliche
Lieb/ welche die Heyden halten/ zu leyssen schuldig/ wie vns der Herr im Euange-
lio lehret/ da er spricht: Wan ihr diejenigen liebet/ so euch hinwider lieben/ was habt
ihr für einen Lohn darvon? Dañ auch die Sünder dise/ von welchen sie geliebt wer-
den/ widerumb zu lieben pflegen. Dat vns aber jemandes Übels bewisen/ so gebürt
vns auch dardurch grössere Wohlthaten erfolgen/ zu lieben/ wann wir anderst dem
Herrn glauben/ der also gesprochen: Selig seyde ihr/ wann euch die Leute schmähen
vnd verfolgen/ auch alles Übels wider euch reden/ vnd von meiner wegen auff euch
liegen: Freuet euch/ vnd frolocket/ dann ewer Lohn im Himmel ist groß.

Johan. 3.
Wie solche
Lieb mög zu-
wegen bracht
vnd erlangt
werden.
Luc. 10.

Johan. 13.

Matth. 5.

Die 164. Frag. Was ist das: Urtheylet nicht/ so werdet ihr nicht ge-
urtheylet/ Verdammt nicht/ so werdet ihr nicht verdammt?

Eccl. ij Antwort.